



**Copie van den puncten ende articulen, ghesloten by den hertoge van Alba, ende zijnen nieuwen Raet van twelven ... : inhoudende de personen int generael, soo catholicque als andere, by hen alreede ghecondemneert om lijf ende goet ghebrocht te worden**

<https://hdl.handle.net/1874/9053>

COPIË  
 van den Punc-  
 ten ende Articulen/ghesloten  
 by den Hertoge van Alba / ende zynen nieu-  
 wen Raet van tweluen: Daer van inde  
 Prologe oft Voorredene ver-  
 maent is.

Inhoudende de Persoonen int generael / soe  
 Catholicque als andere / by hen alreede ghe-  
 condemneert om lijf ende goet ghebrocht te  
 worden: Ghetranslateert wt de originale  
 Spaensche Articulen / gecregen binnen Ant-  
 werpen / in de Camere van Vergas / Presi-  
 dent vande voorsz. Raet / ten huyse van Ma-  
 cus Ronius / inde Meyze aldact / 46.



Ghedruet int Jaer 1568. inde  
 maent van Octobrz.

**I**den eersten/Alle de ghene die hier voo:  
tijts versochten/ en daer door vercreghen  
hebben/ dat het Spaensch crijchvolck in  
de Nederlanden niet gebleuen en is.

Item/Alle de Staten ende Steden van de-  
sen Lande/ die supplicatien ouergegeuen heb-  
ben teghen de nieuwe Bisschoppen/ Inquisi-  
tie/ ende oock om te hebbē moderatie vanden  
Placaten.

Item/ Den Edeldom/ die supplicatien ouer-  
gegeuen heeft tegen de Inquisitie ende Placa-  
ten/ met alle de ghene die de selfde supplicatien  
ghelaudeert hebben.

Item/ alle de Heeren/ Edelen/ Officieren/  
Prouincialen/ ende subalterne oft substituten/  
die de nieuwe predicatien inden schijn van ne-  
cessiteyt vanden tijden toegelaten oft ghecon-  
nueert hebben.

Item/ alle de Heeren/ Edelen/ Rechters/ Of-  
ficieren/ Prouincialen/ ende andere van wat  
qualiteyt die zijn/ die der eerster supplicatien  
vanden Edeldom/ predicatien/ beeltstormerie  
ac. int beghinself met raet ende daet niet en heb-  
ben wederstaen/ maer die aengesien met con-  
nuiuentie ende verbaesfheyt.

Item/ alle de Hoofden vanden Bilden ende  
Ambachten/ hondertste ende thiende manne/  
Wijckmeesters/ ende diergelijcke/ die hensch-  
uen met de goetwillige onderdanen/ int begin-  
self/ in hasarde van lijf ende goet/ niet en hebbē  
gestelt tegen de supplicatien vande Edeldom/

predicatie/ beelestormerie/ &c. om de selue met wapenen te wederstaen.

Item/ al die maintaineren oft voor goet houden/ dat de ondersaten van dese Nederlanden/ ouermits de voorszreuen rebelken ( waer af luttel menschen hier te Lande inculpabel oft ontschuldich zijn/ ende de meestendeel niet ghe daen en heeft het debuoir/ dwelc sy van Gods ghehoorsaemheyt ende Sedts weghen schuldich waren te doene ) niet veruallen en souden zijn van alle hare oude Liberteyten / Rechten ende Priuilegien.

Item/ alle de ghene die maintainere oft houden/ dat de Hertoch van Alba/ om te verhinderen in toecomende tijden ghelijcke rebellien/ blant ende ondersate niet en soude moge blooten ende verarmen/ den rickdom ende goet/ daer toch alle insolentie ende wederspannichcyt wt procederen/ aen hem slaen/ ende daer mede het verwoest ende verlozen volck tot obedientie ende ootmoedicheyt brengen.

Item/ alle de ghene / die maintaineren oft sustineren/ dat de Coninclijke Maiesstejt/ onser alder ghenadichsten Heere / ende de Hertoch van Alba zinder Maiesstejt gouerneur / sedert de voorszeden rebellie / ende voorts aen in toecomende tijden niet en souden hebben oft alnoch en mogen doen tegen haren eede/ gelof ten en toefeggen/ by contracte missiue/ pardon oft andersins ghedaen/ als tselfde geschiet tegen Ketters ende haren fauteurs.

Item

Item / alle de ghene die mainteneren dat  
Egmont / Hoorne / ende andere Heeren / Ede-  
len ende ondersaten vanden lande / teghen  
ende buyten recht zijn ghetracteert ende ghe-  
doot gheweest.

Item / alle de ghene die mainteneren den sel-  
uen Heeren / Edelen ende Ondersaten verloo-  
pene ende ghebarmen / als wesende verraders  
vande Conincklijke Maiesteyt en van haren  
Vaderlanden / eenige gunst / faueur / oft vrien-  
schap te bewijzen / ofte met de ghebarmene oft  
verloopene eenige conuersatie ende kennisse te  
houden by communicatie / correspondencien /  
missiuen / bootschappen / oft andersins.

Item alle de ghene / die mainteneren dat de  
Hertoghe van Alba ende zijnen voorszreuen  
Raet tyranen zijn / ende gheen souereynen  
ende competente Rechters van alle saecten  
criminele oft ciuile / ongehoudē te obseruerene  
de oude gewoonlickē rechten / priuilegien ende  
costuymen vanden lande / die doch anders niet  
en zijn geweest dan corruptelen ende abuyzen /  
waer wt alle quaet ghecomen is.

Item alle de ghene / die mainteneren dat het  
ongoddelick ende tyranich is / de wijnen ende  
kinders vanden Ketters ofte fauteurs / hoe  
catholijck sy zijn / te dooden / ende haerliedee  
goeden te confiscueren.

Item / alle de ghene / die mainteneren dat  
priuate persoonen / in tijden van oorloghen /  
tersaken van heresie ende rebellie aengheno-

men

men/niet schludich en zijn/de hereticquen/hare kinderen ende fauteurs / met wapenen om te brengen/het sy buyten oft binnen de Steden ofte Dorpen/waer sy alsulcke vinden.

15. Item / alle de ghene die mainteneren dat men in cas van heresien niet en mach hooren ende gheloouen alle aenbrenghers / van wat qualiteyte die zijn.

16. Item / alle die ghene die mainteneren dat men teghens de hereticquen oft hare kinderen ende fauteurs / aenghebrocht by twee personen/niet en mach procederen tot executie ende confiscatie van haer lijf en goet / sonder voorgaende proces.

17. Item/alle de ghene/die de rechters noteren oft diffameren van tyrannie oft diffamie / van dat sy doende hare officie / in dese punten souden te straf ende rigoureux zijn: welke strafheyt/al waert also datse excessif schene te zijn/by goede kerstene menschen al behoort gheexcuseert te worden/ als comende wt een sonderlinge liefde tot den ouden kersten gelooue.

18. Teghen alle welke personen / sonder eenighe exceptie / die inde voorszreuen punten/ oft eenighen van dien/directelick oft indirectelick culpabel bevonden worden/ salmen op de delatie ende eede vanden voorszreuen twee personen procederen by apprehensie van haeren personen / confiscatie van hen lijf ende goeden/sonder voorgaende forme van proces.

19. Ende wantmen by experientie ende ondersoekke

soecke van desen rebellien beuint dat alle het  
quaet toeghecomen ende van langher hande  
ghepractiseert is / by middelen ende doersaken  
van houwelijchen en alliantien met hereticque/  
suspecte ende oproerige personen / so van hoo-  
ghen als nedere[n] staten ende condicie / ende  
dat de hereticque hen daer mede / so van maes-  
schappe als rijckdommen / daghelijc meer  
ende ineen ghemeynt hebben te verstercken/  
ende dat oock de Conincklijcke Maiestejt  
onsre alder ghenadichste heere / nae dispositie  
van gheestelijcke ende wereltlijcke rechten  
behoorde ende schuldich is daer teghen te  
versiene / tot voorderinghe van den ouden  
kersten ghelooue / soo is oock by zijne Excel-  
lentie ende die van zijnen Raede voorszreuen  
ghesloten ende gheresolueert / datmen ter eer-  
ster oportunitijt sal publiceren Ordonnan-  
tien / dat niemant / van wat state / qualiteyt oft  
conditie hy sy / zijn kinderen en sal moghen  
houwen oft besteden sonder consent ende  
permissie van zijn Ex<sup>cn</sup>. Ende dat de nota-  
belste van qualiteyt ende rijckdommen / hen  
seluen noch hare kinderen niet en sullen mo-  
ghen houwen ende besteden / dan na tbelie-  
uen / discretie ende ordonmantie van zijn  
Ex<sup>cn</sup>. op dat het oncruyt eens mach  
wtgheroeyt worden. Op de pe-  
ne van lijf ende goet te  
verbeuren / &c.